



Služba za društvene djelatnosti i poslove mjesnih zajednica

Broj: 07-sl./20  
Ilijaš, 18.03.2020.godine

STRUČNA SLUŽBA OPĆINSKOG VIJEĆA I  
OPĆINSKOG NAČELNIKA

**ODGOVORI NA VIJEĆNIČKA PITANJA I INICIJATIVE  
SA 39. SJEDNICE OPĆINSKOG VIJEĆA ILIJAŠ  
održane 26.02.2020.godine**

Ilijaš, mart 2020.godine

\*\*\*\*\*

Ul. 126, Ilijaške brigade br. 6, 71380 Ilijaš  
Tel. ++387 33 580-620, 580-690, fax. 400-505,  
Transakcijski račun kod VAKUFSKE BANKE d.d. Sarajevo: 1602000000710645  
e-mail [drustvenedjelatnosti@ilijas.ba](mailto:drustvenedjelatnosti@ilijas.ba)



Broj certifikata: CRO20063Q

## **ANEL BUMBULOVIĆ – vijećnik SDA**

### **Inicijative:**

1. Pokrećem inicijativu da se u Osnovnoj školi "Podlugovi" izvrši sanacija mokrih čvorova, završi ograda školskog dvorišta, te da se izvrši rekonstrukcija i priključak rasvjetnih tijela u školskom dvorištu na javnu rasvjetu.

Obrazloženje: Na jednom od radnih sastanaka koji su u toku 2019. godine održani u OŠ "Podlugovi", a prisustvovali su direktor škole, predstavnici Vijeća roditelja, općinski načelnik i predstavnici Općinskog vijeća utvrđeni su prioritetni projekti u OŠ "Podlugovi". Neki od tih projekata su u cjelosti završeni u toku 2019. godine. U cilju ostvarivanja što boljih uslova za odgoj i obrazovanje u OŠ "Podlugovi" pokrećem gore navedenu inicijativu.

### **Odgovor:**

Finansijska sredstva za sanaciju mokrih čvorova u JU OŠ "Podlugovi" planirana su Budžetom općine Ilijaš za 2020.godinu. Nakon izrade projektne dokumentacije za sanaciju, planirano je provođenje postupka javne nabavke za odabir izvođača radova, koji bi trebao izvesti radove u toku ljetnog raspusta.

Što se tiče rekonstrukcije i priključka rasvjetnih tijela u školskom dvorištu na javnu rasvjetu, menadžment škole je obaviješten da uputi zahtjev za predmetne aktivnosti Ministarstvu komunalne privrede i infrastrukture Kantona Sarajevo, koje upravlja sistemom javne rasvjete u Kantonu Sarajevo, koje će u koordinaciji sa nadležnom Službom za privredu i finansije Općine Ilijaš, pokrenuti aktivnosti za realizaciju pokrenute inicijative.

Finansijska sredstva za ograđivanje školskog dvorišta nisu planirana Budžetom općine za 2020.godinu. U koliko se u toku godine pristupi postupku donošenja Izmjena i dopuna Budžeta za 2020.godinu razmotrit će se mogućnosti za uvrštavanje ovog projekta u Budžet za 2020.godinu.

## **SEMIR DIZDAREVIĆ – samostalni vijećnik**

### **Inicijative:**

2. Pokrećem inicijativu da Općina Ilijaš u okviru Budžeta za 2020. godinu iznađe sredstva, te pokrene aktivnosti i raspiše javni poziv za podršku učenicima osnovnih i srednjih škola koji ostvaruju značajnije rezultate u sportu kroz podršku i sufinansiranje članarina u klubovima, kotizacija na takmičenjima, troškova opreme i svih drugih troškova koji im se mogu stavljati na teret. U javnom pozivu predlažem definiranje sljedećih kriterija:
  - sportski rezultat (dokazivanje diplomama sa takmičenja, potvrđama i drugim relevantnim dokumentima),
  - socijalni status (dokazivanje potvrđama o primanjima roditelja i drugim relevantnim dokumentima),
  - visina mjesečnih troškova za sport (dokazivanje potvrđama od sportskih društava o visini mjesečnih troškova i drugim relevantnim dokumentima), te
  - prebivalište (dokazivanje potvrdom o prebivalištu ili drugim relevantnim dokumentima).

Obrazloženje: Mladi sportisti u Bosni i Hercegovini su najbolji predstavnici naše zemlje i svoje lokalne zajednice u svijetu. Međutim, shodno visokim finansijskim troškovima koje imaju, često se povlače i napuštaju sport, jer oni i njihovi roditelji ne mogu snositi sve troškove koje aktivno bavljenje sportom može iziskivati od njih. Ovakva mjera koja bi im pružila podršku barem u snošenju osnovnih troškova za sport bi bila iznimno značajna, jer bi zadržala veliki broj učenika u aktivnom bavljenju sportom, pokazala im da je moguće

sportom se baviti u Bosni i Hercegovini, te bila značajna mjera u borbi protiv odlaska mladih iz Bosne i Hercegovine.

**Odgovor:**

Općinsko vijeće Ilijaš na svojoj redovnoj 2. sjednici održanoj 29. novembra 2016. godine, donijelo je Odluku o stipendiranju učenika i studenata sportista sa područja Općine Ilijaš ("Službene novine Kantona Sarajevo", broj: 49/16), na osnovi koje je Općinski načelnik donio Pravilnik o stipendiranju učenika i studenata sportista sa područja općine Ilijaš broj:01/2-40-38/17 od 06.01.2017. godine i broj:01/2-40-38.1/17 od 27.12.2017. godine.

Konkurs za stipendiranje učenika i studenata sportista sa područja Općine Ilijaš za školsku/akademsku 2019/2020. godinu proveden je u januaru 2020. godine. Na osnovu bodova ostvarenih po osnovu sportskih rezultata u pojedinačnoj i ekipnoj konkurenciji na državnim prvenstvima i međunarodnim takmičenjima priznatim od svjetskih i evropskih federacija dodjeljeno je 7 sportskih stipendija. Za ove namjene iz općinskog budžeta u 2020. godini bit će izdvojeno 5.040,00KM.

Ovo nije jedini vid podrške sportistima općine Ilijaš jer će se ove godine za rad sportskih klubova, iz općinskog budžeta izdvojiti 182.000,00KM, a indirektno kroz korištenje besplatnih termina u gradskoj sportskoj dvorani izdvaja se još 100.000,00KM.

Pored toga općina podržava sve reprezentativne nastupe naših sportista, bilo kroz budžetsku liniju za sport ili iz transfera za mobilnost mladih.

U kontaktu sa klubovima koji se finansiraju iz općinskog budžeta, dobili smo informaciju da su sva djeca koja dolaze iz porodica slabijeg imovnog stanja oslobođena plaćanja mjesečne članarine. Mnoga djeca na preporuku JU Centar za socijalni rad treniraju besplatno u klubovima u cilju smanjenja devijantnog ponašanja mladih.

Za objekte sportske infrastrukture posljednjih godina izdvaja se prosječno oko 1.500.000,00KM godišnje.

Sve ovo ide u prilog činjenici da je općina Ilijaš u značajnoj mjeri opredjeljena za razvoj i dalju afirmaciju sporta na svom području i uključivanje što većeg broja mladih u sportske aktivnosti.

*Služba za društvene djelatnosti i poslove mjesnih zajednica*